

**CENTRALNA BANKA  
BOSNE I HERCEGOVINE**  
Broj:150-15-4-1810-43 /21 SAK  
Sarajevo, 13.12. 2021. godine

Na osnovu člana 69. stav (1) tačka b) i stav (3) Zakona o javnim nabavkama ("Službeni glasnik BiH" 39/14) i člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine, broj: UV-122-01-1-1045-11/21 od 28. aprila 2021. godine i broj: UV-104-01-1-1425-15/21 od 29. juna 2021. godine, guverner Centralne banke Bosne i Hercegovine, donosi

### **O D L U K U**

#### **o poništenju postupka javne nabavke robe – kancelarijski materijal za potrebe Centralne banke Bosne i Hercegovine Filijale Brčko – lot 8, putem otvorenog postupka**

##### **Član 1.**

Ovom odlukom se poništava postupak javne nabavke robe – kancelarijski materijal za potrebe Centralne banke Bosne i Hercegovine Filijale Brčko – lot 8, putem otvorenog postupka (u daljem tekstu: otvoreni postupak), procijenjene vrijednosti u iznosu od 25.640,00 KM (slovima: dvadesetpethiljadašeststotinačetrdeset konvertibilnih maraka i 00/100) na period od dvije godine, iz razloga koji su bili izvan kontrole ugovornog organa i koji se nisu mogli predvidjeti u vrijeme pokretanja postupka.

##### **Član 2.**

Zadužuje se Odjeljenje za javne nabavke Centralnog ureda Centralne banke Bosne i Hercegovine (u daljem tekstu: Odjeljenje za javne nabavke) da u skladu sa Zakonom o javnim nabavkama i podzakonskim propisima, o otkazivanju postupka iz člana 1. ove odluke, obavijesti ponuđače koji su učestvovali u postupku javne nabavke.

##### **Član 3.**

Za realizaciju ove odluke zadužuju se Odjeljenje za javne nabavke, Centralna banka Bosne i Hercegovine Filijala Brčko (u daljem tekstu: Filijala Brčko) i Odjeljenje za računovodstvo i finansije Centralnog ureda Centralne banke Bosne i Hercegovine (u daljem tekstu: Odjeljenje za računovodstvo i finansije).

### **O b r a z l o ž e n j e**

Postupak javne nabavke robe – kancelarijski materijal za potrebe Centralne banke Bosne i Hercegovine Filijale Brčko – lot 8, pokrenut je Odlukom o pokretanju postupka javne nabavke robe – kancelarijski materijal za potrebe Centralne banke Bosne i Hercegovine, putem otvorenog postupka, broj: 150-15-4-1810-3/21 SAK od 10.09.2021. godine. U skladu sa tim, Centralna banka je 15.09.2021. godine na portalu javnih nabavki objavila obavještenje o nabavci broj: 1370-1-1-419-3-257/21. U predviđenom roku za prijem ponuda, odnosno do 30.09.2021. godine za lot 8 blagovremeno su dostavljene ponude ponuđača:

1. PRIMAPROM d.o.o. Banja Luka i
2. R&S d.o.o. SARAJEVO.



Komisija za provođenje postupka javne nabavke je izvršila pregled i ocjenu dostavljenih ponuda i konstatovala da pristigle ponude zadovoljavaju sve uslove tražene tenderskom dokumentacijom, te je zakazana e-aukcija za dan 07.10.2021. godine sa početkom u 12:00 sati.

U skladu sa kriterijem najniže cijene i Izvještajem o toku i završetku e – aukcije, Komisija je, svojim Zapisnikom o pregledu i ocjeni ponuda broj: 149-15-4-1978-7/21 od 12.10.2021. godine i Izvještajem o radu komisije sa preporukom, broj: 149-15-4-1978-8/21 od 12.10.2021. godine, dala preporuku da se ugovor za nabavku robe – kancelarijski materijal za potrebe Centralne banke Bosne i Hercegovine Filijale Brčko – lot 8, dodjeli ponuđaču PRIMAPROM d.o.o. Banja Luka, sa cijenom ponude, nakon provedene e-aukcije, u iznosu od 15.400,00 KM, bez uračunatog PDV-a.

Centralna banka je u skladu sa preporukom komisije donijela Odluku o izboru najpovoljnijeg ponuđača, broj: UV-150-01-1-2090-11/21 SAK od 02.11.2021. godine, kojom je ponuđaču PRIMAPROM d.o.o. Banja Luka dodijeljen ugovor za nabavku robe – kancelarijski materijal za potrebe Centralne banke Bosne i Hercegovine Filijale Brčko – lot 8. Izabranom ponuđaču je, dana 26.11.2021. godine, na potpis upućen Okvirni sporazum za nabavku roba – kancelarijski materijal za potrebe Centralne banke Bosne i Hercegovine Filijale Brčko – lot 8. Izabrani ponuđač, PRIMAPROM d.o.o. Banja Luka, je Centralnoj banci uputio obavještenje, koje je zaprimljeno u Centralnoj banci pod brojem: 150-15-4-1810-31/21 dana 01.12.2021. godine. Istim ugovorni organ obavještava da zbog promijenjenih okolnosti nije u mogućnosti potpisati okvirni sporazum. Nakon toga Centralna banka Bosne i Hercegovine je u skladu sa Izvještajem o toku i završetku e - aukcije donijela Odluku o izboru drugorangiranog ponuđača, broj: 150-15-4-1810-35/21 SAK od 06.12.2021. godine, kojom ugovor za nabavku dodjeljuje ponuđaču R&S d.o.o. Sarajevo. Ponuda ponuđača nakon održane e-aukcije iznosi 15.500,00 KM, bez uračunatog PDV-a. Odlukom je stavljena van snage Odluka o izboru najpovoljnijeg ponuđača, broj: UV-150-01-1-2090-11/21 SAK od 02.11.2021. godine. Drugorangirani ponuđač R&S d.o.o. Sarajevo je aktom, koji je zaprimljen u Centralnoj banci Bosne i Hercegovine pod brojem: 150-15-4-1810-42/21 dana 09.12.2021. godine, obavijestio Centralnu banku Bosne i Hercegovine da nije u mogućnosti prihvatiti dodjelu i potpisivanje ugovora iz razloga što su se cijene na tržištu nakon e-aukcije promijenile.

Imajući u vidu da se radi o činjenicama koje su bile izvan kontrole ugovornog organa u momentu pokretanja postupka, a u skladu sa članom 69. stav (3) Zakona o javnim nabavkama, donosi se odluka kao u dispozitivu.

#### **Pouka o pravnom lijeku:**

Protiv ove odluke može se u pisanoj formi uložiti žalba Centralnoj banci Bosne i Hercegovine u roku od 10 dana od dana prijema ove odluke.



**GUVERNER**

**dr. Senad Softić**

Dostaviti:

- učesnicima u postupku (original)
- guverneru
- viceguvernerima
- sekretaru Uprave i Upravnog vijeća (original)
- Uredu glavnog internog revizora
- Odjeljenju za računovodstvo i finansije (original)
- Odjeljenju za javne nabavke (original)
- Filijali Brčko
- u spis predmeta
- a/a (original)